



ҮНДЭСНИЙ АУДИТЫН ГАЗРЫН ХАРЬЯА
ДУНДГОВЬ АЙМГИЙН
АУДИТЫН ГАЗАР
АКТ

48090 Дундговь аймаг,
Сайнцагаан сум, Нарлаг баг
Утас: 70-59-24-39, 70-59-22-08, 70-59-32-08
E-mail: dundgovi@audit.gov.mn

2017.02.14 № 01/04 ДУА-2017/101/СТА-ТШЗ

Төлбөр барагдуулах тухай

Аймгийн аудитын газрын 2017 оны үйл ажиллагааны төлөвлөгөөний дагуу Сайхан-Овоо сумын Ерөнхий боловсролын сургуулийн 2016 оны жилийн эцсийн санхүүгийн тайланд аудит хийх явцад нийт 2,562,658.00 /Хоёр сая таван зуун жаран хоёр мянга зургаан зуун тавин найм/ төгрөгийн дараах зөрчлүүд илэрлээ.

1. Сургуулийн захирал нь хяналт тавих албан тушаалыг буюу математикийн багшийн ажлыг хавсран гүйцэтгэж, 690,490.00 /Зургаан зуун ерөн мянга дөрвөн зуун ерөн/ төгрөгийн илүү цагийн хөлс авсан байна.

Энэ нь Хөдөлмөрийн тухай хуулийн 28.1-д /...албан тушаалтайгаа ижил, эсхүл удирдах, хяналт тавих шинжтэй ажил, албан тушаалд ажиллахаар зэрэгцсэн гэрээ буюу контракт байгуулахыг хориглоно/, 28.2-т /Энэ хуулийн 28.1 нь хавсран ажиллахад нэгэн адил хамаарна/, Боловсрол, соёл, шинжлэх ухааны сайд, Нийгмийн хамгаалал, хөдөлмөрийн сайд, Сангийн сайдын хамтарсан 2007 оны 8 дугаар сарын 31-ний өдрийн 307/91/237 тушаалын хавсралт Цэцэрлэг ерөнхий боловсролын сургуулийн багшийн ажлын норм тогтоох, багш зарим албан тушаалтны цалин хөлсийг тооцож олгох журмын 23-т /Мэргэжлийн багшийг үндсэн ажилтнаар ажиллуулах бололцоогүй нөхцөлд тэтгэвэрт гарсан, сургуулийн бус байгууллагад ажиллаж байгаа болон ажилгүй байгаа мэргэжлийн багшийн үр чадварыг харгалзан хөлсөөр ажиллуулах гэрээгээр ажиллуулж цагийн хөлсийг нь үндсэн багшийн цалин хөлсний хэмжээнээс хэтрэхгүй байхаар тооцож олгож болно/ заасныг тус тус зөрчсөн байна.

2. Сургалтын менежер хяналт тавих албан тушаалыг буюу өвчтэй, чөлөөтэй ажилтны үүргийг хавсран гүйцэтгэж, 1,191,318.00 төгрөгийн илүү цагийн хөлс авсан нь ажилтны цалинтай давхардаж байна.

Энэ нь Төсвийн тухай хуулийн 6.4.1-т /төсвийг үр ашигтай, хэмнэлттэй байхаар төлөвлөж зарцуулах/ Хөдөлмөрийн тухай хуулийн 28.1-д /...албан тушаалтайгаа ижил, эсхүл удирдах, хяналт тавих шинжтэй ажил, албан тушаалд ажиллахаар зэрэгцсэн гэрээ буюу контракт байгуулахыг хориглоно/, 28.2-т /Энэ хуулийн 28.1 нь хавсран ажиллахад нэгэн адил хамаарна/ заасныг тус тус зөрчсөн байна.

3. Ном хөтөлбөрийн хүрээнд тоног төхөөрөмж худалдан авахдаа анхан шатны баримтыг хуурамчаар бүрдүүлж 207,900.00 /Хоёр зуун долоон мянга есөн зуун/ төгрөгийг илүү шилжүүлж, төсвийг зориулалт бусаар зарцуулсан байна.

Энэ нь Нягтлан бодох бүртгэлийн тухай хуулийн 20.1.4-т /хүчин төгөлдөр бус анхан шатны баримтаар, эсхүл анхан шатны баримтаар баталгаажсаагүй ажил, гүйлгээг бүртгэхгүй байх/, Төсвийн тухай хуулийн 16 дугаар зүйлийн 16.5.2-т /батлагдсан төсөв, хөтөлбөрийг

хэрэгжүүлэх талаар төсвийн ерөнхийлөн захирагчтай байгуулсан гэрээний хүрээнд төсвийн хөрөнгийг удирдах, зарцуулалтад нь хяналт тавих/ заасныг тус тус зөрчсөн байна.

4. Түлээ, нүүрсний хөнгөлөлт олгохдоо нийгмийн даатгалын шимтгэл дутуу тооцож 472,500.00 /Дөрвөн зуун далан хоёр мянга таван зуун/ төгрөгийг суутгаагүй байна.

Энэ нь Нийгмийн даатгалын тухай хуулийн 32.1-т /Дараахь хөдөлмөрийн хөлс, түүнтэй адилтгах орлогод нийгмийн даатгалын шимтгэл ногдуулна/ 32.1.4-т /аж ахуйн нэгж, байгууллагаас ажилтанд олгож байгаа хоол, унааны зардал, орон сууц, түлээ, нүүрсний үнийн хөнгөлөлт, түүнтэй адилтгах бусад орлого/ заасныг тус тус зөрчсөн байна.

Төрийн аудитын тухай хуулийн 15 дугаар зүйлийн 15.1.12-т /Аудитын явцад илэрсэн төлбөр, зөрчлийг барагдуулах акт тавих, албан шаардлага өгөх, хууль тогтоомж, эрх зүйн хэм хэмжээ тогтоосон бусад шийдвэрийг боловсронгуй болгох саналыг холбогдох байгууллагад тавих/, Монгол Улсын Ерөнхий аудиторовын 2014 оны 138 дугаар тушаалаар батлагдсан Төрийн аудитын байгууллагын ажилтны нийтлэг эрх, үүргийн тухай дүрмийн 2.2.3-т /Төрийн аудитын тухай хуулийн 28 дугаар зүйлийг хэрэгжүүлэх хүрээнд төрийн аудитын байгууллагын ахлах аудитор, ахлах шинжээч, аудитор, шинжээч нь аудитын явцад илэрсэн төлбөрийг барагдуулах, зөрчлийг арилгуулах зорилгоор төлбөрийн акт, албан шаардлага өгөх/, Монгол Улсын Ерөнхий аудиторовын 2016 оны А/95 дугаар тушаалаар баталсан “Төрийн аудитын байгууллагын аудитын явцад илэрсэн төлбөр, зөрчлийг барагдуулах акт тогтоох, албан шаардлага өгөхөд баримтлах журам”-ын 3.1.3 /Бусдад өгөх төлбөр тооцоог зөрүүтэй тооцоолж олгосон/, 3.1.7-д /Улсад болон байгууллагад хохирол учруулсан төлбөрийн акт тавих үндэслэлтэй бусад нөхцөл байдал гаргасан/ заасныг үндэслэн

ТОГТООХ нь:

1. Дээрх 2,090,158.00 төгрөгийг хавсралтад дурьдсан нэр бүхий албан тушаалтнаар нөхөн төлүүлж, Дундговь аймгийн Төрийн сан банк дахь орон нутгийн төсвийн 100080000955 дугаар дансанд, дутуу тооцсон нийгмийн даатгалын шимтгэлийн 472,500.00 төгрөгийг холбогдох хүмүүсийн цалингаас суутган Ерөнхий боловсролын сургуулийн Төрийн сан банк дахь 100081215101 дугаар дансанд 2017 оны 03 дугаар сарын 01-ний дотор тус тус төвлөрүүлэх,
2. Актын биелэлтийг 2017 оны 04 дүгээр сарын 05-ны өдрийн дотор Аудитын газарт ирүүлэхийг Сайхан-Овоо сумын Ерөнхий боловсролын сургуулийн захирал С.Амаржаргал, нягтлан бодогч Г.Бум-Аюуш нарт хариуцуулав.

АКТЫГ

ТОГТООСОН¹:

ШИНЖЭЭЧ



Ж.УГТАХБАЯР

ЗӨВШӨӨРСӨН:

ЗАХИРАЛ



С.АМАРЖАРГАЛ

НЯГТЛАН БОДОГЧ



Г.БУМ-АЮУШ

¹ Акт, албан шаардлагын биелэлт хангагдаагүй тохиолдолд Төрийн аудитын тухай хуулийн 28 дугаар зүйлийн 28.2.2-д “Төрийн аудитын байгууллагаас тавьсан албан шаардлага, төлбөрийн актыг цаг хугацаанд нь биелүүлээгүй тохиолдолд зөрчил гаргасан албан тушаалтныг үүрэгт ажлаас нь халах тухай саналыг төрийн аудитын байгууллага эрх бүхий албан тушаалтанд хүргүүлнэ” гэж заасны дагуу хариуцагч албан тушаалтанд хариуцлага тооцуулахаар эрх бүхий албан тушаалтанд санал хүргүүлнэ.